

տարոտի երազ։ Յանկարծ այս երեւոյթի մէջ մի առարկայ երեւցաւ. սոցա նաւակը սաստիկ ալեկոծութենից տատանվելով հրումանդանի մօտով անցաւ և մօտեցաւ ափին։ Զարդած նաւի կողպատողները յանկարծ սկսեցին փախչել, այնուհետեւ կրակ երեւցաւ մաքսատան նաւից, այս նոր նաւը գալուն պէս ճանաչեցի նորանից սկսեցին հրացան արձակել ափի մօտ գտնված մարդիկների վերայ։ Մեծ նաւից ցած իջեցրին փոքրիկ նաւակ, որը մեծ դժուարութեամբ մօտեցաւ ափին և սկսվեցաւ սարսափելի կոխ, մութ գիշեր։ Ըսվումէր միայն նոցա ազադակը և հրացանաձգութեան ձայներ։

Ես գրեթէ ուշաթափ ընկած էի ժայռի վերայ, երբ քամին ինձ մի ձայն հասցրեց, նա լսվումէր սարի դադաթից, այդ միջոցին փայլող կրակը վար էր իջնում և շուտով նկատեցի, որ այն լսպտեր էր և ես մի նշանաբան համարեցի։ Այս ժամ անցած, ինձ մօտ վայր թողին պարան, որի ծայրից կապված էր օղակ, ես գօտիկս կապելով օղակից զգացի որ ինձ բարձրացնումեն։ Շատ շուտով ես հասայ ժայռի դադաթին։ Իսկ ծովապետի (որ մաքսատան նաւի նաւապետն էր) և քանի մի անձների ներկայութեամբ, որոնց մէջ ես ճանաչեցի Գիլ Բեքընը շղթայակապված, որի վերայ մաքսատան երկու ծառաներ պահպան էին կարգված։ Երբ նորան ժայռի ստորոտում կաշնաւորել էին, նա հաղորդել էր իմ զրութեանս մասին և նա էր առաջնորդել իմ ազատողներին։ Մաքսանենգներից շատերը ծանր վիրաւորվել էին և երկուքը սպանվել, մէկը փախել էր, իսկ մնացածները դատաստանի ենթարկվեցան և վճռեցին նոցա աքսորել մինչև ի մահ արքունի հանքերում մշակելու։ Հրացանի առաջին հարուածից սպանվել էր Ալլէն Ուորեֆը։

(Թարգմ.)

Գ. Վ. Սոյր.

ԼՕՆԴՕՆ. (ԱՐԱՐԱՏ, № 3).

Նկարագրենք սակաւ ինչ և Լօնդօնի ներքին տեսարանները։ Լօնդօնը բաղկանումէր 36 զանազան արուարձաններից, որոնք երբեմն բոլորովին բաժանված էին, իսկ այժմ այս բոլորը միացած, կազմումեն մի ահագին քաղաք։ Սոցանից միայն մինն է կրում տիրապէս Լօնդօն քաղաքի անունը, այն է Սիտին (City of London)։ Սիտին, որ գտնվումէ Տէմզայի ձախ ափին, համարվումէ զլիաւոր վաճառատեղ և վաճառների համարանոց։ Նա ոչ միայն կեդրոնն է Լօնդօնի վաճառականութեան, այլև Լօնդօնի հարստութեան գանձարան է։ Բաւական է միայն յիշել Սիտին, ածուխի, երկաթի, չուխայի, մի խօսքով բոլոր անգլիական ձեռակերտութեան մասին գաղափար կազմելու համար։ Ամեն ինչ այստեղ վեճ, գեղեցիկ և ահագին է, թէ շինութիւնների, թէ փողոցներ և թէ խոնութիւններ։ Սիտիի տների մեծ մասը շինված են սորանից հարիւր տարի և աւելի ա-

ուջ, Գոյնզգոյն զրուագներ պատուեն ամբողջապէս տների ճակատները, ահագին պատուհաններ զարդարված են վաճառելու նիւթերով: Քանի մի տներ ծածկված են նշանակներով գրեթէ վերից վար: Այն վաճառականները որոնց խանութները և հաշուարանները գտնվում են այստեղ, իւրեանք բնակում են մայրաքաղաքի բոլորովին ուրիշ մասերում: Այստեղ հաւաքվում են մարդիկ միայն փող շահելու և աշխատելու համար, բայց ամեն աստիճանի անձն փախում է այստեղ ապրելուց: Անգլիայի մայրաքաղաքը երկու մասերից է բաղկանում. Վէստ—Էնդից, արեւմտեան մաս և Օստ—Էնդից, արեւելեան մաս: Քաղաքի ամենալաւ, ամենափառուոր մասը Վէստ—Էնդն է: Այստեղ կան կեանքի համար ամենայն յարմարութիւններ: Այստեղ են հարուստների և մեծամեծների տներ: Այս մասն աւելի առողջ պահելու համար գիւղական կեանքի՝ պայմանները միացրած են այստեղ քաղաքային կեանքի հետ, այստեղ տնկված են պարտէզներ, անտառներ, կան կանաչ դաշտեր: Փողոցները լայն են և մաքուր: Մայրաքաղաքի այս մասը տեսնողը կարող է կարծել թէ Լոնդոնը առողջարար և հոյակապ քաղաք է, բայց բոլորովին սխալված կլինի: Լոնդոնը կատարելապէս հակառակ դիրքերով և պայմաններով քաղաք է. անհաւասար հարստութեան կողքին կտեսնէք ամենաղարհուրելի և ամենազգուշի աղքատութիւն: Օրինակելի տների կողքին, փառաւոր փողոցների և հրապակների մօտ, կտեսնէք կիսաւեր խրճիթներ, առանց սալայատակի և չլուսաւորված փողոցներ, վարակված կոյափողրակներ, որտեղ ոչ ոք բացի Լոնդոնցիներից չէր կարողանայ բնակել, և որոնց նմանը պատիւ մարդկութեան ասած լինինք, ուրիշ ոչ մի տեղ չկայ: Բայց շարունակենք մեր խօսքը: Առաւել նշանաւոր զրամաւորները բնակում են կամ Վէստ—Էնդում, կամ Լոնդոնի շրջակայքում՝ ունեցած իւրեանց շքեղ տներում: Նոքա թողնում են իւրեանց բնակութիւնը առաւօտեան վաղ որպէս զի երեկոյեան վերադառնան տուն, շնայելով, որ իւրաքանչիւր օր երկաթուղով գնալ գալու համար կորցնում են երկու երեք ժամ: «Ժամանակը փող է» ասում են Անգլիացիներ, բայց գնալ գալու համար գործածված ժամանակը կորցրած չեն համարում: Անդադար ղեաղմունքը, ձիով և ոտով շրջելը սաստկացնում են արիւնի շրջագոյութիւնը, որ անհրաժեշտ է Սիտիի վաճառականների նստական կեանքին: Այս բոլորը ամրացնում է ջրեր և մարմնական առողջութիւն, որն Անգլիացին փող շահելու համար գլխաւոր լծակ է համարում:

Աւելի պարզ հասկացողութիւն կազմելու համար Լոնդոնի փողոցների, աղաղակների և շարժիւնի մասին, հարկաւոր է յիշել որ մայրաքաղաքում գտնվում է մօտ 4 միլիոն ժողովուրդ: Ոչ մի մայրաքաղաք աշխարհիս երեսին չէ կարող պարծենալ բնակիչների այսպիսի բազմութեամբ: Քաղաքի բոլոր մասերում բնակութիւնը արագ բազմանում է բացի Սիտիից, ուր ընդհակառակն բնակիչների թիւը նկատելի կերպով օրէց օր պակասում է, որովհետեւ այստեղի նախկին բնակիչները փոխադրվում են անդադար ուրիշ

տեղ և Միտին հետզհետե դառնումէ առևտրական ընկերութիւնների հաշուարանների կուտկելու տեղ:

Անդադար և արագ մեծանալուն համաձայն, առանց դորան ևս ահագին մայրաքաղաքը հետզհետե իւր ծաւալումն ևս ընդարձակւումէ: Երկու երեք ամսում դատարկ տարածութիւնները դառնումեն ամբողջ մի քաղաք լայն փողոցներով, ահագին շինութիւններով և խանութներով: Չարմանալի է, որ լժեպէտե Լօնդօնի առևտրական գործերը գլխաւորապէս կեդրոնացած են Միտի հաշուարաններում, սակայն աւելի կամ պակաս ծաւալված են ամբողջ քաղաքում, այնպէս որ ամենահստաւոր փողոցներում անգամ խանութները և մագաղիւնները ունին այն ամենը և նոյնպէս փառաւոր են ինչպէս և մայրաքաղաքի լաւ փողոցներում: Պիկադիլում կամ լժեպ—ստրիտում:

Լաւ հասկացողութիւն կազմելու համար այս քաղաքի մեծութեան վերայ, հարկաւոր է յիշել որ նա բնած է 50 անդլիական քառակուսի մղոն տարածութիւն և բովանդակումէ իւր մէջ մօտ 10 հաւ ահագին անտառներ, երկու հարիւրից աւելի պարտեզով հրապարակների, 13,000 աւելի փողոցների, մանր փողոցների, ծառաստանների, սալայատակ ծովեզրեայ ճանապարհների, հրապարակների և 360,000 աւելի տներ:

Ամեն տարի հետզհետե մեծացող, մայրաքաղաքի բնակիչների ահագին բազմութիւնը ապագայում սպառնումէր բոլորովին խլացնել բնակիչներին զարհուրելի և անդադար աղաղակներով: Փողոցների շարժողութիւնը, մանաւանդ Միտիում, մարդիկների այնտեղ զբաղելու միջոցին, 15 տարի սորանից առաջ, այն աստիճանին սաստկացաւ, որ բոլորովին անկարելի էր լինում շարժել, այնպէս որ կառքերը և ոտով գնացողները ստիպված էին սպասել կէս ժամ, որ կարողանան փողոցից անցնել: Լօնդօնի փողոցների շարժողութիւնը հասկանալու համար բաւական է բերել միայն երկու փաստ: Ամեն օր, բացի տօն օրերից, որոշված ժամում, քաղաքի իւրաքանչիւր ծայրերից դէպի Միտի և այնտեղից կրկին յետ, գնումեն մօտ կէս միլիօն սեղանաւորների, վաճառականների, գործակալների, գրագիրների և ընդհանրապէս այնպիսի մարդիկ, որոնք յարարերութիւն ունին առևտրական գործերի հետ: Միւս կողմից, պաշտօնական կերպով եղած հաշիւներին նայելով դեռ ևս 1860 թ. Լօնդօնի մի կամուրջի վերայից միայն անցած դարձած են, մի օրում մօտ 170,000 մարդիկ և կառքեր: Աւերջապէս Անգլիացիները սկսեցին մտածել մի կերպով տեղ ձեռք բերել որ կարողանան արձակ շարժել, հաղորդակցութիւն ունենալ միմեանց հետ և աւելի ազատօրէն վայելչութիւններ ունենալ: Սորա համար մի ուրիշ միջոց չգտան, բացի Տէմզայի տակ, տուննէլ բանալուց, քաղաքի տակ մի ուրիշ քաղաք հիմնել, փողոցների տակ փողոցներ ձգել, երկաթուղի շինել նախ դեպի վերայ, միւսը տների վերայ և երրորդն ևս դեպի տակ: Ամենաշքեղ, լժեպ ոչ շատ ընդարձակ, Լօնդօնի «Արիտրիօն» թատրոնը, որի բացվելը երկու տարուց աւելի չէ, կառուցված է գետնի տակ:

Արուեստանոցներ, ամրաններ, միջին կարողութեան տէր մարդիկների սեղանատներ, խոհանոցներ— շինված են գետնի տակ, Իւրեանց մայր եկեղեցիների և գերեզմանատների տակ Անդլիացիները բացած են ուրիշ ստորերկրեայ գերեզմանատներ, Նվէ անգլիացիները գետնի տակ վճուկին իջնել, ուրեմն գետնի վերայից ջնջումեն և մաքրումեն ի հարկէ այն բաները որոնք կարող են մեծացնել քաղաքի տարածութիւնը, այսինքն, բազմաթիւ նոր փողոցներ շինեցին, լայնացրին հները, բազմացրին կամուրջների թիւը, շինեցին նոր սալայատակներ և անցքեր մի փողոցից դէպի միւսը, կամուրջների տակով, Մի տարօրինակ ճարտարապետութեամբ են շինվում նոր սալայատակները և մայրերը, նոքա այնպէս պինդ են, որ ոչ մի ցնցում չէ ազդում նոցա վերայ, որով որոշվումեն միւս քաղաքների և միջև անդամ նորոգված Փարիզի մայրերից, Ամենածանր սայլեր անցնելիս, օտով գնացողը ոչինչ ցնցում չէ զգում իւր օտների տակ, Բայց ամենից նշանաւորն այն է, որ Լօնդօնի անդադար նորոգ շինութիւնները և մայրերը եղանակը այնպէս են, որ փողի չեն յարուցանում, չեն խանդարում երբէք փողոցային կեանքը, Ոչ միայն կարողանումեն յաղթել ամեն արդիւններին, այլև աշխատութիւնն այնպէս հանդարտութեամբ և լռութեամբ է լինում, որ մերձաւոր դրացին անգամ չէ իմանում թէ իւր մօտ կամ նորա տակ մի վիթխարային աշխատութիւն, մի ահագին ձեռնարկութիւն է կատարվում, Նա օրինակ տեսնումէ որ շոգու մեքենան զրված է մի տեղ ջրհոր փորելու համար, տեսնումէ որ բարձրացնումեն վերև կաւ և քարի փշրանք, բայց այս բոլորը սակաւ քանակութեամբ է և միևնոյն ժամանակ փողոցի մէջի շարժողութիւնը չէ դադարում, Երբ աշխատութիւնը վերջացնումեն մի տեղում, մեքենան տեղափոխումեն մի ուրիշ նշանակված տեղ, եւ այսպէս բոլոր ստորերկրեայ աշխատութիւնները կատարվումեն առանց տեսնվելու և առանց մի որեւիցէ շփոթի, Իրաւ է, Լօնդօնում այդպիսի նշանաւոր ստորերկրեայ աշխատութիւններ շատ են կատարված, բայց չէ եղած օրինակ, որ ամբողջ փողոց բանալիս մայրաքաղաքի այս կամ այն մասի մէջ եղած հաղորդակցութիւնը կտրէին,

Գծուար է երևակայել թէ ի նշպիսի գծուարութիւններին հանդիպեցան ստորերկրեայ երկաթուղին շինելու ժամանակ, Քաղաքակրթութեան այդ հըրաշքը լաւագոյն ապացոյց է Անգլիացիների գերօրինակ ձեռնարկական ոգուն, նոցա երկաթեայ կամքին, համբերութեան և երկրի անհամար հարստութեան, Երկրի տակ երկաթուղու ճանապարհ բանալը անհամեմատ աւելի զժուար էր քան թէ երկրի վերայ, Հասկացողութիւն կազմելու համար այն գծուարութիւնների մասին, որոնց Լօնդօնում իւրաքանչիւր ստորերկրային աշխատութիւնը հանդիպումէ, հարկաւոր է յիշել, որ գետնի տակ բացի շինութիւնների խորաձիգ հիմքերից, գտնվումեն և ջրմուղների, գաղափողրակների, հեռաղրական երկաթեայ թելեր և ուրիշ բազմաթիւ զանազան տեսակ խողովակներ և երկաթեայ թելեր, Ստորերկրեայ երկաթուղու ճանապարհը բանալիս ոչ միայն զլուրջութիւն էին գործ դնում, որ

չինի թէ այս փողրակներից մին վնասվի, այլև դեռ իւրեանց աշխատութիւնն առաջ շարած ստիպված էին ամրացնել կամարներով այն տեղերը որոնք թոյլ էին երևում: Ստորերկրային Լօնդօնը ինչպէս և մարդկային մարմնը, լցված է երակներով և շնչերակներով և թէ մին և թէ միւս դեպքում սոցանից մինի կտրվելն կարող է մահ յառաջացնել: Ջրմուղներ, կոյտափողրակներ, գազային խողովակներ, հեռագրական երկաթեայ թելեր, այս ամենը նոյնպէս մօտ են միմեանց, ինչպէս երակներ, ջրեր, շնչերակներ և նեարդեր: Ստորերկրային երկաթուղու ճանապարհի ճարտարապետները մի կողմ տանելով եղած խողովակները և ջրանցքները, նոր ստորերկրային անցքին տեղ տալու համար, ստիպված էին գործ դնել այնպիսի զգուշութիւններ, ինչպէս որ վիրաբոյժը բժշկութեան միջոցին: Ամենափոքր անբարձր թիւը կարող էր փչացնել արդէն աւարտված աշխատութիւնները որով ձեռնարկողների 100,000 գրվանքա ստէրլինգը իզուր տեղը կգնար: Հարիւրաւոր աշխատաւորներ այս աշխատութեան ժամանակ անց էին կացնում շարաթներով շարունակ գիշեր և ցերեկ խոնաւութեան մէջ, որոնք վերջը չէին կարողանում կօշիկներն հանել և հարկադրված էին նոցա կըտրտել ոտների վերայ:

Ստորերկրային երկաթուղին երկու շրջան ունի. մին ըմբռնումէ բոլոր ներքին քաղաքը Հայթ-պարկով միասին, իսկ միւս մեծ շրջանը պատումէ նաև արուարձանների շուրջ: Բացի դորանից այդ երկաթուղու ճանապարհները կտրումեն միմեանց և ամենուրեք խառնվումեն այն ճանապարհների հետ, որոնք դէպի շրջականերն են գնում: Բոլոր նոցա տարածութիւնը հասնումէ մինչև 100 վէրստի: Փողոցների, նշանակների վերայ և նշանաւոր տեղերում գրված է այսպիսի վերնագիր. դէպի կայարանը, որի մօտ երևումէ մատի ձև: Գնացէք այդ ուղղութեամբ և դուք իսկոյն կգտնէք կայարանը, որոնք շինված են քաղաքի ամեն նշանաւոր տեղերում և մեծ մասամբ այդպիսի շինութիւններ ղեղնադոյն աղիւսից են կապոյտ նշանակով: Ներս մտէք, առէք տոմսակ և դէպի ներքև տանող սանդուխներից մէկով վայր իջէք: Նոցանից մին տանումէ ձեզ մի սրահ, որից կարող էք դէպի աջ երթալ. իսկ միւսը իջնումէ հակահանդէպ գտնված սրահ, որտեղից կարող էք գնալ դէպի ձախ: Քանի մի սաժէն ցած իջնելով վերջապէս կտեսնէք յանկարծ մի ընդարձակ սրահ: Չեր աջ և ձախ կողմերում խաւարի մէջ անհետանումեն ստորերկրեայ ճանապարհի (տունէլի) անցքերը: Ստորերկրեայ ճանապարհի օդի մէջ զգացվումէ խանձահոտութիւն և ծուխ նոր գնացող շոգեկառքի: Պատերը բոլորովին ծածկված և զարդարված են ամենաանսակ յայտարարութիւններով. «Վիլլինգ անունով մէկը իրաւունք կապալով առած է յայտարարութիւններ կախելու երկաթուղիների, վագոնների և կայարանների վերայ: Առանց նորա միջնորդութեան ոչ ոք չէ կարող յայտարարութիւն կախել: Մեծ գումար հատուցանելով երկաթուղու ընկերութեանը նա ինքն ևս ժողովումէ առատ տուրք: Օրինակ, մեծադիր օրագիրների 6 կամ 7 խմբագրութիւնները հատուցանումեն նորան իւրաքանչիւրը

երեք հազար դրամնքա ստերլինգ (մօտ 2½ հազար մանէթ) տարեկան, «Քառակուսի երկայնաձև, բոլորակ, կապոյտ, սպիտակ, նարնջագոյն, առաւելոյն, փոքրադիր և մեծադիր մի սաժէն երկարութեամբ մի արշինանոց տառերով, պատկերազարդ և անպատկեր, նոքա կախված են բազմութեամբ գրեթէ մին միւսի վերայ, Բաւական է միայն նոցա նայել, հասկացողութիւն ստանալու համար թէ ինչո՞վ է Լօնդօնը ներկայումս հետաքրքրվում, որտեղ է նա ուրախանում, ի՞նչ է կարգում, ի՞նչ է ուտում, ինչո՞վ է բլծշկվում, զորտեղ են առամներ դնում և մազեր ներկում, Թատրօնները զուրս են բերում ժողովրդականութիւն ստացած դերասանների և դերասանուհիների պատկերները, նպարավաճառները կախումեն համադամ կերակուրների ամենագրգռիչ և ախորժակաշարժ բազմատեսակ նկարներ, երկաթուղիները յայտարարումեն գնացքների մասին թէ որտեղ վաճառահանդէս, համերգ, ձիարշաւ, ժողովներ և տօներ կան, Ահա մօտենումէ գնացքը և հարկաւոր է շուտով նստել, որովհետեւ միայն մի րոպէ է կանգնում: Մինչև միւս կայարանը անցնումէք մութ տունէլի մէջով և միայն տեղ տեղ հաստ պատերի կամ աւելի լաւ ասած գետնի կոշտերի վերայ տեսնումէք պատուհաններ, սպիտակ, հարթ մի տեսակ ապակիով: Սոքա լուսամուտներ են, օդաձիգներ, որոնք միացնումեն ստորերկրեայ աշխարհը արտաքին աշխարհի հետ:

Ամեն կողմ մութ է, սեւաւ, հեղձամղձուկ, խոնաւ և մռայլ տեսարան է: Ոչ լոյս է երևում և ոչ մի փոքրիկ նշոյլ: Գերեզմանական մութ ու լուութիւն տիրած է և յանկարծ այս լուութեան մէջից լսվումէ աւելի որոշ կերպով շոգեկառքի ձայնը: Գերօրինակ արագութեամբ սլանումէ կամարների տակից և նոր կայարանի սրահին է մօտենում: Տունէլի մէջ, երկաթուղու վագօններում վառված լապտերների օգնութեամբ միայն կարելի է մի որ և իցէ բան տեսնել, իսկ այստեղ, ինչպէս և միւս սրահներում՝ ձեզ կրկին լուսաւորումէ ցերեկվան լոյսը: Այստեղ կարօղ էք կարդալ կայարանի անունը, որ դրոշմված է խոշոր տառերով պատերի վերայ քանի մի տեղ և կարօղ էք իմանալ թէ զուրս պիտի գաք թէ պիտի շարունակէք գնալ երկաթուղու հետ, որը ի հարկէ կրկին սկսումէ սլանալ մի կամ երկու րօպէից յետոյ մինչև իւր նշանակված տեղը:

(Թարգմ.)

Ճէ՛մ. Ե. Դաս. աշ. Ա. 2.

ԲՆԱՒՈՐՈՒԹԵԱՆ ԱԶԳԵՑՈՒԹԻՒՆ,

(Ս. ՍՄԱՅԼՍԻՑ),

Բնաւորութիւնը աշխարհիս մէջ ամենամեծ շարժող ոյժերից մին է, Իւր ազնիւ արտայայտութիւններով նա ներկայացնումէ մարդկային բնութիւնը իւր լաւագոյն ձևով, որովհետեւ նա ցոյց է տալիս մարդի ամենալաւ կողմը:

Այն մարդիկ, որոնք աշխատասէր, ճշմարտասէր, բարձր բարոյական և խիստ ազնիւ են, կեանքի ամեն դրութեան մէջ արդարեւ գերազանց են միւսներից, վայելումեն ամենքի և իւրաքանչիւրի ակամայ յարգանքը: Շատ